

DEO OPT. MAX. VNI ET TRINO. VIRGINI DEIPARÆ. ET SANCTO LVCÆ
ORTHODOXORVM MEDICORVM PATRONO.

QVÆSTIO MEDICA
CARDINALITIIS DISPVATIONIBVS MANE DISCVTIENDA
IN SCHOLIS MEDICORVM DIE IOVIS III. APRILIS,
() M. CLAVDIO LIENARD Doctore Medico, Præfide. ()

An abstemij edaciores?

1021.

SI cœleste corpus homini à Natura contigisset, haudquaquam cibi potusque necessitati manciparetur, at verò quia plurimum abest ab eiusmodi corporis cōstitutione, eò fors illius infausta recidit, ut qui duntaxat ad imperandum natus esse videbatur, insimò & immanissimo cogatur servire tyranno, gulæ scilicet, ad quam illum adigunt desideria duo fames, & sitis, inauspicati vultures, à quibus ipse ventriculus appetentiæ sedes tanquam Tyrij jecur eroditur: hi debent aliquatenus expleri quò diutius superstites sumus; nequeunt verò nisi cibis & potibus, citrà quæ homini longissimum vitæ tempus dies septem, longè brevius, si solus suppetat potus: qui veloci indigent appositione iusculis atque sorbitionibus omninò reficiendi, qui velociori, potissimùm odoribus, quibus vis inest nutriendi, tantum nempe refert ut vivamus corporum nostri cum indefinentem effluxum aliquo pacto refarciri, contemperarique calorem nativum: quod ut commodius obtineatur singulis, quibus vis inest nutriendi, situs est naturalis, quo citrà cognitionem ad succum sibi familiarem è ventriculo, velut stirpes è tellure, prolestandum incitantur: fugunt illæ quod sibi conveniens est alimentum è proximis primò partibus, hæc deinde ab aliis, nec ante cessat continuatus ille motus, quàm ad ventriculum usque per hepar & venas peruentum sit, ac tùm ventriculus eximio quidem sensu præditus, ex illo factu molestiam percipit, & provt substantiæ solidæ vel humidæ major vrget necessitas famem, aut sitim ciet, ut ab histribus concurrentibus, exhausto, suctu, huiusque sensu, fiat ciborum appetentia.

FAMES, quamdiu corpus intrà sanitatis limites continetur, non plus alimenti assumendum suadet, quàm natura regere potest, sunt tamen alij aliis edaciores, quod nisi morbo vertitur, immoderationi substantiæ solidioris effluvio, suctui corporis vehementiori, exquisitiori ventriculi totius ac præcipuè eius orificij sensui, nativique caloris abundantia acceptum referri debet: Ita pueri quòd rarum nacti sint corporis habitum, attrahente polleant eximiâ, stomachum teneriorem & apprimè sensilem obtineant, summâque nativæ caloris vbertate luxurient, edacissimi sunt: at quod melancholici sint famelici, non iisdem de causis accidit. Interdum citrà partium exhaustum ex morbo profecta fames oritur, cuiusmodi est bulimos & canina, quæ nisi ab intemperie ventriculi calidâ, nascitur, meri potu compefcitur, interdum etiam polyphagia euenit ab animi vitio prauâque consuetudine: fames autem naturalis, quæ necessariò exhaustum sequitur, nullis porioribus superatur præfidiis, quàm pane & aquâ, quibus qui paucis adhibitis carnibus vescitur, suam is adamat vitam.

SITIM, ipsâ fame multò toleratu difficiliorem, ita quidem extinguit potus, ut etiam demandæ fami plurimum condeat: an quod humorem alimentitium in vniuersum corpus citissimè distribuit, & partibus ipsis applicat? An quòd humido potissimùm oblectetur sustenteturque calor nativus? Vique adeo naturæ nostræ familiaris & amicus est humor, ut è quocunque potu per concretionem partibus alimentum nonnihil accedat: istius concretionis, aquam utcumque capacem reddit alienorum cum ipsâ corporum commixtio, sed quamvis ipsa nutriat omnium tamen potuum minimùm partibus apponitur, hæc in ventriculum illapla & alimentis permixta, ea quodam quasi amicitia vinculo inter sese colligat, bilem amarore suo deiectionem demulcet, nativum calorem adauget, coctionem potenter adiuuat, chylum, quò commodius distribuatur, diluit, nativâ sua frigiditate ventriculum constringit, sicque famem mirum in modum exacuit.

VT Vinum citius quàm aqua concrefcit: ita corpori facilius adhæret, magis nutrit, & partibus ipsis nutrimentum præbet perennius: idverò fert secum incommodi, quòd immodicè calefacit & exsciat, calori nativo negotium facclit, corpus quodammodo debilius efficit, ac velut tenue solum semina tenuiora parcioreque requirit, ita corpus quod mero indulget, copiosioris & calidioris alimenti est impatiens, chylosum insuper deteriorem & operosiorē reddit, ventriculi fibras relaxat, humores fundit, vires resolvit, eoque vna cum jecore quasi sicca tabe exuoco reddito, non nisi vitiosi humores gignuntur, qui ad partes deducti earum robur infringunt: quamobrem languore nimio dissolutæ commeatum ignavius attrahunt è ventriculo, qui ut fugi se diuellique minùs sentit, ita minùs segniusque appetit.

CVM igitur à vino velut à veneno sibi caucat abstemius & meris gaudeat vndis, quorsum illi esca delicatior? quid opus magno emptis gulæ irritamentis quibus capta præstigiis appetentia longiùs protrahatur: abstemiis auro maza charior, illi præter famem edulcant omnia, quodcumque edulium in suum conuertunt commodum, nullum cibi genus auersantur, tantum abest ut ad ipsum etiam lautiorum eduliorum intuitum fastidit si, nauseabundi, vomiturientes miris ora modis distorqueant, usque adeo iucundum est, & salubre ciborum condimentum fames, quæ quantò in vini potioribus tardior & remissior est, tanto hydropotis promptior & vehementior, vel absque sale satis abstemiis mollis sapit lactuca, sapit & quidquid in alimentorum censum vsus recepit, si modo illis è proximo fonte aut flumine petitus potus aliquantulum algidus (tepidum enim bibere nefas) admisceatur: ita siquidem efficacius, quàm hausto mero, cruda in ventriculo excoquantur, calor eius nativus intenditur, appetentia adaugetur, atque adeo ab excoctis cicctis que citius alimentis iterum latrans atque implacabilis stomachus novos expetit cibos, quos summâ aviditate prolestat, nec satis plerumque comminutos, inuitis præcipit.

Ergo abstemij edaciores.

F.M.P.
BIBLIOTHECA

Proponebat Lutetiæ NICOLAUS LE LETIER Parisinus, A. R. S. H. M. DC. LIII.